

SASKIBALOIA

ARRAUNKETA

Chicago, threepeat

Phoenix 4-2 gainditu eta Bullsek hirugarren eraztuna lortu du jarraian

98 PHOENIX K. Johnson (19), Majerle (21), Dumas (8), Barkley (21), West (4); F. Johnson (-), Ainge (9), Chambers (12), Miller (4).

99 CHICAGO Armstrong (18), Jordan (33), Pippen (23), Grant (1), Cartwright (2); Paxson (8), Tucker (9), King (-), Williams (5).

ENKOITZ ESNAOLA / DONOSTIA

Threepeat. Hiru aldiz errepikatzea esan nahi du horrek. 1988. urtean asmatu zuen hitz xeblebre hau Pat Riley Los Angeles Lakers-eko entrenatzaileak, NBAko titulua jarraian bigarren aldiz irabaztean. 1989an berriz eskuratu zutela esan zuen orduan Rileyk. Dena den, ez zuen asmatu, Detroit Pistons-ek 89ko finalean 4-0 irabazi baitzion Lakersi. Aurten hori erdietsi duena Chicago Bulls izan da. Horrelakorik lortzen duen hirugarren taldea da, aurretik Minneapolis Lakers (52, 53 eta 54an) eta Boston Celtics-ek (59tik 66ra) lortu

zutelako. Orain Chicagok *threepeat* hitza daramaten hainbat kamiseta aterako ditu eta Rileyk erabilera eskubideagatik 2.5 milioi dolar irabaziko omen ditu. Chicagok laugarren garaipena atzo lortu zuen Phoenixen—denboraldi honetan lau aldiz jokatu du Charles Barkleyren taldearen kantxan eta guztietan garaile aterra da Chicago—. Markagailua 98-99koa izan zen Bullsen alde. 98-94 zihoazela, Jordanek sarrera egin eta bi puntu. Gero defentsan baloia errekupe-ratu eta atsedenera 51-56. Phoenix ez zen eroso jokatzeko ari. Majerleren jaurtiketei esker ja-

rraitzen zuen bizirik. Partiduko azken minutuetan Phoenixek lortu zuen aurrea, Pippen gehiegi huts egiten ari baitzen. Baina ondoren Jordanen saskiratzeak eta Paxsonen hiru-

koa heldu ziren eta NBAko txapel-dun, Chicago. Jordanek jaso du NBAko finaleko MVP (jokalaririk onena) saria. Hirugarren aldiz jarraian eskuratu du sari hau 1.98ko jokalaririk.

PALMARESA

Urtea	Irabazlea	1947	Minneapolis Lakers
1948	Baltimore Bullets	1949	Minneapolis Lakers
1950	Minneapolis Lakers	1951	Rochester Royals
1952	Minneapolis Lakers	1953	Minneapolis Lakers
1954	Minneapolis Lakers	1955	Syracuse Nationals
1956	Philadelphia Warriors	1957	Boston Celtics
1958	San Louis Hawks	1959	Boston Celtics
1960	Boston Celtics	1961	Boston Celtics
1962	Boston Celtics	1963	Boston Celtics
1964	Boston Celtics	1965	Boston Celtics
1966	Boston Celtics	1967	Philadelphia Sixers
1968	Boston Celtics	1969	Boston Celtics
1970	New York Knicks	1971	Milwaukee Bucks
1972	Los Angeles Lakers	1973	New York Knicks
1974	Boston Celtics	1975	G. State Warriors
1976	Boston Celtics	1977	Portland T. Blazers
1978	Washington Bullets	1979	Seattle Supersonics
1980	Los Angeles Lakers	1981	Boston Celtics
1982	Los Angeles Lakers	1983	Philadelphia Sixers
1984	Boston Celtics	1985	Los Angeles Lakers
1986	Boston Celtics	1987	Los Angeles Lakers
1988	Los Angeles Lakers	1989	Detroit Pistons
1990	Detroit Pistons	1991	Chicago Bulls
1992	Chicago Bulls	1993	Chicago Bulls

Urki nagusi Euskadiko banku mugikorreko txapelketan

RAMON BASALDUA / BILBO

Donostiako Ur Kirolak taldeko zortzikotea nagusi zen asteburu honetan Legution jokatu zen Euskadiko aulki mugikorreko txapelketan. Urki-ko un-tziak sekulako lehia izan zuen Donibaneke Arraun-lariak eta Santurtziko Itsasoko Ama taldeko un-tziekin. Azkenean donostiarrak izan ziren garaile, Doni-baneke bigarrena segundu batera, Santurtzi hiruga-rrena hiru segundura, Arraun Lagunak laugarre-na lau segundura, Orio bostgarren zortzi segun-dura eta Sestaoko Kaiku taldeko untzia seigarren hamaika segundura. Laukoteetan, Oriok irabazi zuen, Arraun Lagunak eta Santiagotarrak taldeen aurretik. Bikoteetan ostera Santurtziko Itsasoko Ama izan zen onena.



Gaur zuek zarete protagonistak. 80 urtetako fidel-tasunaren ondoren, Atotxako zelai zaharrak *betiko agur* esan nahi dizue. Lagunarteko festa-giroan. Benetako omenaldia eskainiz jokalaririk mirestuenari: errearen afizioari.

ATOTXARI AZKEN AGURRA

- Erreala - Athletic veteranoen partidua.
- Erreala - Euskadiko Selektzioa partidua.
- Donostiako Orfeoiaren emanaldia.
- Errealaren afizioari omenaldia.
- ...eta askoz ere ustegabeke gehiago.

BAZKIDEEK SARRERA
DOHANIK